

小乘經單譯總五卷

八關齋經

孝子經

無九

黑氏梵志經

阿鳩留經

佛為阿支羅迦葉自化作苦經

乙

俞宗

八關齋經

宋京聲譯

聞如是一時婆伽婆在舍衛城祇樹給孤獨園爾時世尊告諸比丘我今當說聖八關齋諦聽諦聽善思念之我今當說對曰如是世尊爾時彼比丘從佛受教世尊告曰於是比丘若信族姓子族姓女欲知聖八關齋便教某甲當作是說猶如阿羅漢盡形壽不殺生亦不教人殺生無怨恨心常懷慙愧有慈心愍一切眾生我字某名某為阿羅漢所教自今已後隨意所欲不復殺生無怨恨心常懷慙愧有慈心愍一切眾生猶如阿羅漢盡形

壽不盜好施亦不教人盜常樂閑處如是我字某名某為阿羅漢所教隨意所欲不復盜竊常懷惠施樂閑居處猶如阿羅漢盡形壽不習不淨行常修梵行清淨無穢而自娛樂如是我字某名某為阿羅漢所教自今已後不復媼泆清淨無穢猶如阿羅漢盡形壽不妄語常行審諦最尊最貴諸尊長為世所貴如是我字某名某為彼阿羅漢所教自今已後更不復妄語亦不教人使習妄語當行審諦為世尊長不行妄語猶如阿羅漢亦不飲酒如是我字某名某自今已後隨意所欲亦不飲酒亦不教人使飲酒猶如阿羅漢盡所壽不犯齋隨時食如是我字某名某今一日一夜隨意所欲亦不犯齋亦不教人使犯齋隨時食猶如阿羅漢盡形壽不於高好座坐如是我字某名某今一日一夜不於高廣座坐亦不教人使高廣座坐猶如阿羅漢盡形壽不習歌舞戲樂亦不著文飾香熏塗身今

一日一夜不習歌舞戲樂亦不著文飾香熏塗身如是修行聖八關齋於是八關齋中功德不可限量言有爾所福爾所功德爾所福報如是衆多福不可稱計諸比丘譬如五大流水皆同一處所謂恒伽謠婆奴新頭河脂耶婆提摩棄彼水所流處不可限量言有爾所水有爾所瓶水有爾所千瓶百千瓶水如是聖八關齋福不可稱量言有爾所福爾所功德爾所果報此大福不可稱計爾時諸比丘聞佛所說歡喜奉行

孝子經

失譯

佛問諸沙門親之生子懷抱十月身為重病臨生之日母危父怖其情難言既生之後推燥卧濕精誠之至血化為乳摩飾澡浴衣食教詔禮賂師友重貢君長子顏和悅親亦欣豫子設慘戚親心焦枯出門愛念入則存之

心懷惕惕懼其不善親恩若此當何以報諸沙門對曰唯當盡禮慈心供養以賽親恩耳世尊又曰子之養親甘露百味以恣其口天樂衆音以娛其耳名衣上服光耀其體兩肩荷負周流四海訖子奉命以賽恩養可謂孝乎諸沙門曰唯孝之大莫尚乎茲世尊告曰

未為孝矣若親頑闇不奉三尊兇虐殘戾濫竊非物情染外色偽辭非道耽醉荒亂違背正真克蕪若斯子當極諫以恐悟之若猶曹曹未悟即為開化牽臂引類示王者之牢獄諸囚之刑戮曰斯為不軌身被衆毒自招殞命命終神去繫于太山湯火萬毒獨喚無救

由彼履惡遭此重殃若復未移悲泣啼號絕不飲食親雖不明必以恩愛之痛懼子死矣由當強忍伏心崇正道若親遷志奉佛五戒仁惻不殺清讓不盜貞潔不媾守信不欺孝順不醉宗門之內即親慈子孝夫正婦貞九族和睦僕使恭順潤澤遠被含血受恩十方